

Germania , avrigl 2013

Implants da charvun impesteschan l'aria

a) En implants da charvun vegn stgaurà cun charvun ed uschia producì electricitad. Ils implants da charvun tutgan tar ils pli gronds impestaders da l'aria en la Germania. Cun arder charvun datti gas. Quel fa donn al clima.

Implants da charvun han consequenzas fatalas per il clima ed èn malsanadaivels per ils umans. Perquai dessan ins desister pli svelt pussibel sin l'utilisaziun dal charvun.

California, fanadur 2014

Chastis per squaz da l'aua

b) Dapi l'onn 2008 patescha la California d'ina setgira permanenta. L'onn 2014 vegn ad esser l'onn il pli nausch. Il provediment d'aua en la gronda zona agricula dal Central Valley è fitg periclità. Ins fa quint che la California pudess perder 2,2 milliardas dollars tras las racoltas pli pitschnas. Ussa vegn la glieud sfurzada da betg pli sfarlattar l'aua. En cas cuntrari po la polizia dar chastis fin 500 dollars.

Mexico, 9 da settember 2010

LA PESTA NAIRA

c) Catastrofa davant la riva da Mexico. La plattafurma d'ieli dal concern BP "Deepwater Horizon" era sfundrada suenter in'explosiun ils 22 d'avrigl 2010. Mais a la lunga èn grondas quantitats d'ieli sortidas da differentas foras. Las consequenzas per la natira e l'ambient èn enormas. Ieli sin l'aua, utschels e peschs moran, la riva è naira da l'ieli. Ils custs per questa catastrofa mettan il concern d'ieli en grondas difficultads.

Filippinas, november 2013

4,3 milliuns d'umans en miseria

d) In dals pli fermes ciclons ha mess en miseria e desperaziun milliuns d'umans sin las Filippinas. Er dus dis suenter ch'il cyclon ha devastà il pajais, pon ins calcular be approximativamain il dumber dals morts sin plirs milli. L'orcan ha bittà chasas, bartgas e cars tras l'aria sco ch'i fissan giugarets. Tschient millis d'umans han pers tut.

Notai las differentas manieras da catastrosas:

a)

b)

c)

d)

